

և Ե. Թաթարը. ամենեքին մահամտականք, և թիւ նոցա աւելի քան զմիւրսն մի: — Զ. Պարսք յարեւելահողմն աշխարհիս. ընդ որս Ե. և Փարսիք կամ Կրասկապաշք 'ի Պաքու. — Ը. Ասորիք և Քաղզէացիք նեստորականք 'ի Հաքեարի, և 'ի գաւառս Ուրմիոյ և Սալամասայ, յորս գոն և հռովմէականք, յանցիշատակ ժամանակաց բնակեալք 'ի լերինս անդ և քաղաքավարեալք հին օրինօք և կրօնիւք, յորս նախնիք մեծ գործեցին Քուրդք յամսն 1843 և 1847 (94), այլ տակաւին թուին լինել բիւրք ինչ 'ի գծուարակոն լերինս անդ Կորդուաց: — Թ. Եւզղիսիք արեւապաշք և դիւապտիսաք, լեզուաւ և բարուք նմանք Քորդաց, այլ ոչ բազմաթիւք: — Ժ. Վիլք 'ի Սոմխետ և 'ի Սամյիւ: — ԺԵ. Արաբացիք 'ի Կովկասեան գաւառս արեւելոյ. ուր ԺԲ. Լէկք և այլ Կովկասեանք, անդ ԺԳ. և ֆուսորդք Աղուանից կամ Ուտիացիք, մերձակիցք Հայոց: — ԺԶ. Հրեայք սակաւք յԱխալցի-խէ և 'ի Կովկաս. ոչ բազմաթիւ քան զնոսա ԺԵ. և Յոյնք. ԺԸ. Լազիկացիք և Եգերացիք և այլք պոնտականք: — ԺԿ. Գերմանացիք իբրեւ 3500 ոգիք, հատուած եկեալք յամսն 1818, բնակեալք 'ի կողմանս Վրասայոց և 'ի Գանձակ: — ԺԸ. Ռուսք յիւրեանց բաժնի, և աղանդաւորք նոցա Մալեքեանք և Տոխոպորէք 'ի կողմանս Գանձակայ: — ԺԹ. Խաղախք սահմանապահք Ռուսաց. — Ի. Գնչուք և Բոշայք. յետինքս քրիստոնէայք են կրօնիւք, լեզուաւ և բարուք Հայամերձք: Արտաքոյ սոցա Եւրոպէացիք ոմանք յԵրզնուում և 'ի Դավիթ, դեսպանութեամբ նստեալք և եկք սակաւք: Միահամուռ թիւ սոցա, զառ 'ի հնգեցուն նախակարգեալ ազգացն ոչ թուի ժամանել 'ի մի միւրսն:

34. ԱՐՈՒԵՍՏՔ. ՎԼԱԾԱՌՔ. — Գլխաւոր և հասարակ պարագլուխն բնիկ Ժողովրդեանն Հայաստանի՝ մշակութիւն է, և եկայ՝ խաշնարածութիւն. և ըստ տարազու հոգադործ մարդկան՝ խոշորակեաց և սակաւապէտ և Ժողովուրդն, անհարթ և անպաճոյճ. 'ի քաղաքս եւեթ գոն արուեստաւորք և վաճառականք, և արուեստք սովորականք են ոստայնանկութիւն, խալախորդութիւն, ներկարարութիւն. ընդ սոցին են և պղնձագործք, զինագործք, ոսկերիք սակաւ, խորտկարարք, հացեփեացք, դերձակք, և այլն: Ի գլխաւոր քաղաքս գոն և սեղանաւորք, պաշտօնեայք և թարգմանք առ հիւպատոս օտարազգիս և առ գաւառապետս: Ճարտար և յաջող է ազգս Հայոց յարուեստս և 'ի վաճառականութիւն և յուսմունս, այլ առաւել արտաքոյ բնիկ աշխարհին գտանին այժմ՝ հրահանգեալքն և բարեկեցիկք: Արգասիք ճարտարութեան հայթհայթեալք 'ի Հայս են սեկ, մուշտակ, անօթք պղնձի և երկաթոյ, զէնք, կտաւք սպիտակք և ներկածոյք, գորգ, ասուի, մետաքս, և այլն. ընդ որս առաքին 'ի վաճառ և անկաղմ արգասիք երկրի, արջառ և ոչնար և պատրուճակ, ձի ընտիր, աղած ձկան, պտուղք և արմատք ներկոց և դեղոց, կիւ կամ ձուլ, մատուտակ, գլթոր, խաշնգեղ, գաղպէ, որդան կարմիր, աղ, հայկաւ, հայքար, բորակ, իւղ կտաւաթի, նաւթ, ծծումբ, կապար, պղինձ, արծաթ: Գլխաւոր շահաստանք 'ի Հայս են Իրզն

ում, Դավիթ, Տիարպէլիր, Վան, Պայեղնոյ, յորս ստէպ երթեւեկ առնեն կարաւանք ընդ Պարսս, յորմէ գայ և աղխամաղին Հնդկաց. ընդ Փոքր Ասիա՝ ուստի գան եւրոպական վաճառք. ընդ Տփլիս՝ որ մեծ շահաստան է Կովկասեան աշխարհի: Իսկ ծովեղերայ շահաստանք և դրոշնք վաճառականութեան են, 'ի Պոնտոս՝ Տրապիզոն և Պադում. Պաքու և Սալան և Լէնքորան 'ի Կասպիականն, ընդ որ նաւեն յԱթտերխան և յափունս ուրեք Պարսից. և աստի ընդ բերան Կուրայ և Երասխայ առ խուն մի եւեթ գան նաւք. իսկ 'ի Ճորոխ նաւեն յԱրգուինայ 'ի վայր 'ի Պադում. յԵփրատ և 'ի Տիգրիս արտաքոյ Հայաստանի լինի նաւարկութիւն 'ի ծոցն Պարսից. և 'ի մէջերկրայս լինի նաւարկութիւն ընդ ծովն Վանայ՝ 'ի Դատովանայ Բաղիշու մինչև 'ի Վան:

35. ԿՐՕՆՔ. Հայոց որպէս ամենեցուն յայտնի է՝ քրիստոնէութիւն է ընդհանուր. և մեծագոյն մասն ազգիս յԱրեւելեան եկեղեցւոյն է, ինքնուրոյն հովուապետք առաջնորդեալ, որ կաթողիկոսն կոչին. և երեք ինքնադուլիս կաթողիկոսք են արդ. Ե. Էջմիածնի, որ նախապատին և է մեծութեմ, այլ յամսն 1837 վարէ զիշխանութիւնն օժանդակութեամբ սիւնհոգոսիւն կարգելով յինքնակալէն Ռուսաց. Բ. Կաթողիկոսն է Սայ՝ յԵգ գարու հաստատեալ անդ և ոչ ընդհատեալ 'ի զատուցման աթոռոյն և փոխադրութեան յԷջմիածին՝ 'ի կէս Եգ գարու. Գ. աթոռ է Ալեքսամարայ՝ 'ի ծովուն Վանայ, 'ի յգարու սկզբնաւորեալ յաւուրս Գագկայ Արծրունոյ, և իշխանութիւն նորա ձգի յարեւելս և 'ի հարաւոյ ծովուն, անձուկ թեմիւ. որպէս և Սայն չէ կարի ընդարձակ: Միւս ևս կաթողիկոս էր Աղուանից անուամբ 'ի Գանձասար, որ բարձաւ 'ի Ռուսաց յամսն 1828, և աթոռն մետրապօլիտութիւն աւանանցաւ և հաստատեցաւ 'ի Շուշի: Երկրորդ յետ կաթողիկոսացս են Պատրիարքոնքն Երկզքին, Երուսաղէմայն և Կոստանդնուպօլսոյ. սորա իշխանութիւնն օժանդակեալ յազգային Եկեղեցական Ժողովոյ՝ ընդարձակադոյն է քան զամենայն հովուապետացն Հայոց, տարածեալ գրեթէ յամենայն Օսմանաստան, ունելով թեմս իբրեւ 50, որոց եպիսկոպոսոնք յԷջմիածնայ կաթողիկոսէն առնուն զձեռնադրութիւն. նոյնպէս և առաջնորդք Հայոց Պարսկաստանեայց, որք են արքեպիսկոպոսն Դաւրիթու և արքեպիսկոպոսն Նոր Զուլայի առ Ասպահանաւ, ընդ որոյ իշխանութեամբ են և Հայք հնդկաստանեայք և որք 'ի Բաբելոն: — Իսկ միաբանք արեւմտայ եկեղեցւոյն կամ Հռովմէական ուղղափառ Հայք, գումարին իբր 'ի 160,000. և առաջնորդին 'ի Ռուսաստան՝ յուղղափառ Սիւնհոգոսէն. 'ի Պարսկաստան՝ յառաքելական նուիրակայ և պաշտօնէից. յԱստորիա՝ 'ի Հայ արքեպիսկոպոսն Լէմպերկայ, և այլուր՝ 'ի լատին եպիսկոպոսաց. յՕսմանաստան Երկրուց գլխոյ, 'ի կաթողիկոսէն Լիբանանու հաստատելոյ՝ 'ի սկիզբն ԺԸ գարու, որ ունի թեմ գլխովանս Կիւիկոյ, Փ. Հայոց և ՂԱսորոց, և 'ի նախագահ Արքեպիսկոպոսն Կոստանդնուպօլսոյ հաստատելոյ՝ 'ի Ս. Գահէն հռովմայ յամսն 1831, որ ունի թեմս հինգ 'ի Հայս և 'ի